



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-235/17

Sarajevo, 14.08.2017. godine

Na osnovu člana 69. stav 2, tačka a) i člana 70. stav 4. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

ODLUKU O
PONIŠTENJU POSTUPKA JAVNE NABAVKE

I

Odbacuje se ponuda pravnog lica „Defter“ d.o.o. Sarajevo jer ista nije potpuna i ne ispunjava zahtjev iz konkurentskog zahtjeva koji glasi: “Ugovorni organ od ponuđača zahtjeva i kopiju ponude, koja se dostavlja zajedno s originalnom ponudom, pri čemu se jasno naznačava „original“ i „kopija“ ponude“.

II

Poništava se postupak javne nabavke - konkurentski zahtjev za dostavljanje ponuda za nabavku kancelarijskog materijala za potrebe Tužilaštva BiH, broj: A-235/17 od 21.06.2017. godine koji je objavljen na portalu javnih nabavki dana 22.06.2017.godine, Obavještenje o nabavci broj: 435-7-1-498-3-2/17, kao i svi doneseni akti ugovornog organa Tužilaštva/Tužiteljstva BiH u ovom postupku.

Obrazloženje

Ugovorni organ Tužilaštvo/Tužiteljstvo BiH putem konkurentskog zahtjeva za nabavku kancelarijskog materijala, na portalu Javnih nabavki dana 22.06.2017. godine objavio je konkurentski zahtjev za nabavku kancelarijskog materijala za potrebe Tužilaštva/Tužiteljstva BiH, Obavještenje o nabavci, broj: 435-7-1-498-3-2/17.

Blagovremeno je pristigla 1 (jedna) ponuda i to:

1. „DEFTER“ d.o.o Sarajevo

Neblagovremeno je pristigla 1 (jedna) ponuda:

1. „Centrala R&S“

Konkurentskim zahtjevom za nabavku kancelarijskog materijala za potrebe Tužilaštva BiH, broj: A-235/17 od 21.06.2017. godine pod brojem 4.10 određeno je da se ponude trebaju dostaviti na adresu Tužilaštvo BiH, ulica Kraljice Jelene 88, najkasnije do 03.07.2017.godine u 12:00 sati.

Dana 03.07.2017. godine u 14.11 sati Tužilaštvo BiH je zaprimilo ponudu „Centrala R&S“ pod rednim brojem: RO 9/17. Shodno navedenom, a u skladu sa članom 63. stav 1. Zakona o Javnim nabavkama Bosne i Hercegovine („Službeni glasnik BiH“, broj: 39/14) neotvorena, neblagovremeno pristigla ponuda vraćena je ponuđaču dana 04.07.2017. godine.

Pregledom blagovremeno pristigle ponude ponuđača „Defter“ d.o.o. Sarajevo, Komisija je utvrdila da dostavljena ponuda ne ispunjava zahtjev iz konkurentskog zahtjeva tačka 4.2 koja glasi:“ Ugovorni organ od ponuđača zahtjeva i kopiju ponude, koja se dostavlja zajedno s originalnom ponudom, pri čemu se jasno naznačava „original“ i „kopija“ ponude“, obzirom da se dostavljena ponuda sastoji samo od primjerka originala ponude.

Slijedom navedenog, umjesto ocjene ponude, dostavljenu ponudu valjalo je odbaciti u skladu sa odredbom člana 68. stav 4. tačka i) Zakona o javnim nabavkama.

Imajući u vidu navedeno, odnosno da nije pristigla ni jedna ponuda koja je blagovremena i potpuna, na osnovu utvrđenog stanja ispunjeni su uvjeti iz odredbe člana 69. stav 2. tačka a) Zakona o javnim nabavkama, pa je odlučeno kao u dispozitivu.

POUKA O PRAVNOM LIJEKU: Protiv ove odluke može se izjaviti žalba URŽ-u putem ugovornog organa u roku od 5 (pet) dana od dana prijema.



V.D. GLAVNOG TUŽIOCA
TUŽILAŠTVA/TUŽITELJSTVA BiH
Gordana Tadić